



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt II.

urn:nbn:de:hbz:466:1-11453

Bonus artifex, culpam propriam deriuat in aduersarios, vt illos reijceret. Nec fuit difficile, furentes sua sponte Germanos accendere. Pari ergò odio Germani, & Gibellini, in Turrianos feruntur: Erant illi magna parte populi constipati, in platea ad Virginis subiecta, quid agerent dubij: quòd Imperio & populo pariter aduersari, & stultum & nefarium dicerent. Ad primum itaq; impetum admirabundi, ac propè amentes, dissipati sunt. Pugna deindè ad vicos relata: cades viri, promiscua fuit. Guido Turrianorum princeps, omnium primus insidias Vicecomitum recognoscens, cum filiis in fugam est versus: quem suorum pars maxima est sequuta: profectiq; Vercellensi porta, omnes cum pueris & vxoribus Vercellas petière: debacchatiq; in aduersam factionem Vicecomites, ad triginta illius primores, in quibus quatuor ex Turrianis fuere, Imperatoris militum Germanorum auxilio interfecerunt. Ad eum exciti tumultum, nonnulli Lombardia populi à promissa Henrico obedientia recesserunt: primique, & eodem die, Cremonenses, & Cremenses impositum à rege vicarium, & Gibellinos, armis, non sine cade, eiecerunt: Magiq; Brixiani Guelpharum partium duces, aduersa factionis principem, paulò antè iussu regis reductum, interficere cum quassissent, fuga se contulit ad Henricum: Pariet Parma factum: qui paulò antè, rege iubente, reducti sunt, tunc eijciuntur. Ità tartarea illa erynnis, & amor dominandi, regnat in populo vertiginoso Italia: vnihil aliud dies cogitent ac noctes, quàm dominari, & in aduersos vindicare: Huic vni studio, & temporali, & eternam salutem promptè impendunt, nihilipendentes omnia, ad dominandi, vindicandiq; comparationem

His, quæ tot in locis fiebant, auditis rebellionibus, Henricus, vrbe Mediolano Vicecomitum curæ & custodiæ relicta, exercitum tum primum coactum in Italia, duxit in Cremonenses: cuius vrbs Guelphi resistere diffisi, Brixiam cum vxoribus, pueris, & absportata leuiori supellectile, emigrârunt: Cremenses verò, deditione facta, mitius agi secum supplices impetrauere: Sed Cremona à Gibellinis dedita, mœnia portasque, & Guelphorum domos, cum Germani euertissent, Cremonam quoque reddiderunt minori excidio immunitam. Ad eius facti terrorē, Parmenses Gibellini, eiectis Guelphis, accersitum & precibus impetratum regis vicarium habuerunt. Duxit paulò post in Brixiam Henricus, ad quam vrbem, cum proprijs alienigenisq; Guelphis probe defensatam, aliquandiu sedere coactus est: editaq; in agro omnium, quæ excindi, vri, euertiq; poterant, vastitate: adhibita oppugnationibus machinæ, cuniculi sunt acti: Tandem fugiētibus in mōtana Guelphis, dedita à cæteris vrbs, murorū portarūq; munitiones amissit: nec aliter ibi, quàm Cremona, à Guelphorum ædibus vel excidio, vel incendio, est temperatum. Ad Placentiam verò cum ducere pariter iratus pararet Henricus, cardinali de Flisco intercedente, Placentini eiectio armis Guelphorum duce, contraria sentiente, Imperialem vicarium admisere. Papiam nonnulli in partibus Henrici constanter durasse, & fœdera à principio per Philippum comitem cum illo icta obseruasse, nonnulli post rebellionem afflictam fuisse, contendunt. Interea, dum Henricus primum oppugnanda, deinde euertenda Brixia occupatus est, oratores, quos ad Venetos miserat, redeuntes, paratam esse eam rempublicam, nauigium quod postulasset, præbere, quo ad regiones

vrbi Romae propinquiore cum omni exercitu transpor-
 taretur, nunciârunt. Per quod tempus, Veronenses, Vi-
 centini, Patauini, & Taruisini, missos ad se vicarios ac-
 ceperunt: praesidia pariter, quae danda crediderant, ad-
 missuri. Sed Henricus copias integras ad urbem Romanam
 ducendas retinere maluit: & vicarium Anspurgensem
 comitem, Lombardia praesidem instituens, copias illi non
 magnas attribuit, quibus provinciam conservaret: Ipse
 deducenribus, qui apud eum erat assidui, Amadeo Sab-
 audia comite, & Pisanorum Genuensiumq; oratoribus,
 per Placentinos Genuam se contulit: quae in vrbe eum
 adiit Richardus Gambatosa, Roberti Neapolitani regni
 orator: adiéruntq; pariter Friderici Aragonis, Siciliae
 regis nuncij, amicitiam & foedera aduersus Robertum
 regem, utiq; hostem offerentes: Quibus benigne Henri-
 cus respondit, oblati assentiens foederibus, quae, cum esset
 Roma, initurum se spopondit. Gambatosa igitur, pro va-
 nis simulatione redundantibus, quae afferebat, verba ad
 Henrico simulata recepit. Certum enim Henricus habebat,
 à Ianuensibus Pisanisq; relatum, regem Robertum
 Roma, & per Hetruriam, impedimenta & aduersarii
 suis conatibus & coronationi pro viribus preparasse. Nā
 praeter confirmatas per Hetruriam Guelphorum partes,
 quā primū, Neapoli agens, Henricum Brixiam obse-
 dere intellexit, veritus, nē illa vrbe potitus, per Bononiam
 duceret in Hetruriam, Digotionem marescallum, attri-
 buto duorum millium equitatu, misit, qui Ferrariam de-
 Bononiamq; primò, post Florentiam & Hetruriam de-
 fensando, prout necessarium in tempore in partibus con-
 seruaret, Digotioq; intelligens Henricum Ianuam ac-
 cessisse, Florentiam, & inde Lucam cum copijs est de-
 latus.